

ქართული გზები



საქართველოს
მედიკალთა
კავშირის
გაზეთი
№5 (248)
1-31 მაისი
2016
ფასი 1 ლარი

გამომცემი
თავიშვილი

ლიხ წერილი

საქართველოს პრეზიდენტს
საქართველოს მთავრობას
საქართველოს პარლამენტს
თბილისის მერიას

ბატონებო!

მიმდინარე წელს იუნესკოს ეგიდით
ტარდება შოთა რუსთაველის 850
წლისთავის იუბილე.

ეჭვი არ მეპარება, რომ კარგად
მოგეხსენებათ „ვეფხისტყაოსნის“
როლი ქართველი ერის სულიერ
ცხოვრებაში. ისიც კარგად გეცოდინებათ,
რომ ჩვენი ხალხის უპირველესი
განძი შოთა რუსთაველის გენი-
ალური პოემაა.

მაშ, რას მივანერო თქვენი ბეჯითი
დუმბილი და ფეხისათრევა მოახლო-
ვებული ეროვნული დღესასწაულის
მიმართ?

ჩვენი ეკონომიური სიდუხჭირის
გათვალისწინებით ქართველმა მწერ-
ლებმა თქვენს წინაშე საიუბილეოდ
ორი მოკრძალებული, არც თუ ძნე-
ლად შესასრულებელი თხოვნა დავა-
ყენეთ:

1. რუსთაველის პროსპექტზე გაგ-
ვეხსნა „რუსთაველის სახლი“, სადაც
გამოიფინებოდა „ვეფხისტყაოსნის“
ხელნაწერები, ჩვენს უპირველეს წიგ-
ნზე არსებული მდიდარი მეცნიერუ-
ლი ლიტერატურა და დამთვალეიერე-
ბელს საშუალება მიეცემოდა შეეძინა
„ვეფხისტყაოსანი“ სხვადასხვა ენა-

ზე. ამით საქართველოში კიდევ ერთი
კულტურული კერა გაჩნდებოდა. ამ
კერისკენ ტურისტები გზას გაიკვ-
ლევდნენ და მსოფლიო დაინახავდა,
რა პატივს ვცემთ ჩვენ ჩვენს ეროვ-
ნულ ღირებულებებს.

შეგვექმნა კომპეტენტური კომი-
სია მწერალთა და მეცნიერ-ტექსტო-
ლოგთა შემადგენლობით, რომელიც
რამდენიმე თვიანი მუხლჩაუხრელი
შრომის შედეგად წარმოადგენდა
„ვეფხისტყაოსნის“ მეტნაკლებად
სრულყოფილ, დედანთან მიახლოე-
ბულ ტექსტს და თქვენ, ხელისუფ-
ლება უზრუნველყოფდით პოემის
საიუბილეო, სასაჩუქრო გამოცემას,
როგორც ეს გააკეთეს საიუბილეო
კომისიებმა 1937 და 1966 წლებში,
ამით დამთავრდებოდა რუსთაველის
ქმნილებაში არამკითხველ „რედაქტორ-
თა“ ხელის ფათური და გამომცემლო-
ბებს დაურიგდებოდა სწორედ რომ
სანდო და ავტორიტეტული ტექსტი.

არც ერთი ამ ამოცანის გადაწყვეტ-
ვასრულებისთვის დღემდე თითი არ
გაგინძრევიათ. უფრო მეტიც, დღემ-
დე საიუბილეო ღონისძიების თარი-
ღიც არ გამოგიცხადებიათ და საი-
უბილეო კომისიაც არ შეგიდგენიათ
(ეს უკანასკნელი თუ საიდუმლოდ
შეადგინეთ, დღემდე უფრაში ინა-
ხავთ, რადგანაც გუმანით ვხვდები,
მისი წევრები ოფიციალური წრეები-
დან გეყოლებათ შერჩეული და არა

იმათგან, ვინც „ვეფხისტყაოსანს“ სი-
ცოცხლე შესწირა).

რა ხდება ბატონებო? რას მივანე-
როთ თქვენს მიერ პირში წყლის ჩა-
გუბება?

გულუბრყვილო ბაღლი არა ვარ
და კარგად ვიცი, რა დღეშიც ხართ.
ვხვდები, როგორ მოგახვიეს თავზე
თქვენმა ოკეანისგალმელმა პატრო-
ნებმა ყბადაღებული „კოჭაბიტაცია“,
რომელმაც საქართველოში ფაქტი-
ურად ორხელისუფლებიანობა დაამკ-
ვიდრა და რისი ბრალიცაა, რომ ჩვე-
ნი ეკონომიკა ადგილზე ბუქსაობს.
არაერთგზის დავრწმუნდი, როგორ
დაახიეს თავზე ქართულ სასამართ-
ლოს მის მიერ მიღებული გაბედუ-
ლი (რაც იშვიათად ხდება) ორიოდ
გადაწყვეტილება. ვხვდები, გულით
გინდათ პროკურატურამ თაროზე
შემოდებული საქმეები გამოიძიოს,
მაგრამ ვერ ახერხებს იმ უბრალო მი-
ზეზის გამო, რომ სამართალდამცავ
ძალოვან უწყებებს ისევ და ისევ არამ-
კითხველ „მამიდების“ კარნახით „ნურც
გაფრინდები, ნურც მოფრინდები“
თამაშს ათამაშებთ. ვიცი, რომ დასავ-
ლეთიდან დაძრული წყეული ვეშაპი
– გლობალიზაცია ეროვნული სუ-
ლის გამომღვიძებელ ყოველ ნაბიჯს
არაოფიციალურად გიკრძალავთ და
იმასაც ვხვდები, ილიას და აკაკის
იუბილის ჩატარებისას ჩვენი ტელე-
ჟურნალისტი დაიკოები მორცხვად

რატომ გვპასუხობენ: „იცით რა, ასე-
თი სიუჟეტები არ გვინტერესებს“.

ეს ყველაფერი ვიცი, მაგრამ არა
მგონია, ობამა გიკრძალავდეთ, რუს-
თაველის იუბილე არ ჩაატაროთ და
მწერლებს სააკაშვილის მიერ წართ-
მეული მწერალთა სასახლე არ დაუბ-
რუნოთო.

ძვირფასებო,
ჩვენ ქართველი მწერლები წაყ-
რუბას და იგნორირებას მიჩვეული
ვართ და კვლავ ავიტანთ, მაგრამ ამ-
ჯერად შოთა რუსთაველზეა ლაპარა-
კი: ჩვენს სალოცავ ლიტერატურულ
ხატზე, ერისთვის სახელისა და დიდე-
ბის მომტან პოეტზე.

რასაკვირველია, ფრიად მოუტ-
ლელნი ბრძანდებით, მაგრამ საარ-
ჩევნო სიების შედგენის ბატალიებზე
და ევროპიდან კარგახნის ჩამონერი-
ლი მომღერლების 29 მილიონად ჩა-
მოყვანაზე არანაკლები მნიშვნელო-
ბისა გახლავთ შოთა რუსთაველის
850 წლისთავის იუბილის ღირსე-
ულად ჩატარება.

სხვა მხრივ მშვიდობით ბრძანდე-
ბოდეთ.

რევაზ მიშველაძე
საქართველოს სახალხო მწერალი,
რუსთაველის პრემიის ლაურეატი,
საქართველოს მწერალთა
კავშირის თავჯდომარე
21.IV.2016 წ.

საქართველოს პრემიერ-მინისტრს ბატონ ბიორგი კვირიკაშვილს თბილისის მერს ბატონ დავით ნარმანიას ქალაქ ბაჭყალიდან და მატარიალურ-ტექნიკური უზრუნველყოფის სამსახურს

ბატონებო!

მოგმართავთ საქართველოს საზოგადო მოღვაწეთა სახელით:
რამდენიმე თვის წინათ დაიხურა ორასწლოვანი დიდუბის პანთეონი. ამ
ფაქტმა სახელოვან მოღვაწეთა დაკრძალვის მიმართულებით გამოუვალი
მდგომარეობა შექმნა.

კატეგორიულად გთხოვთ, პანთეონის ტერიტორია გააფართოვოთ დიდუ-
ბის ეკლესიასა და პანთეონს შორის ლობის მოხსნის ხარჯზე.

ამრიგად, იოლად, ფულადი დანახარჯების გარეშე, გადაწყდება ეს თავსა-

ტეხი. აქვე შევნიშნავთ, რომ ეს პრობლემა უახლოეს ხანებში თუ არ გადაწყ-
და, მალე უხერხულობაში აღმოჩნდება. დავინტერესდით და გაირკვა, რომ
ამ საშურ ეროვნულ საქმეს საპატრიარქო არ ეწინააღმდეგება.

პატივისცემით,

ჯანსუღ ჩარკვიანი, მერაბ ბერძენიშვილი, კახი კავსაძე, რევაზ მიშველაძე,
გივი ბერიკაშვილი, ომარ მხეიძე, ლეილა აბაშიძე, მაცყალა გონაშვილი, გოგი
ქავთარაძე, ვაჟა აზარაშვილი, სოსო სიგუა, ბალათერ არაბული, თენგიზ ურ-
თმელიძე, კახა ცაბაძე, გივი თოიძე



თეიმურაზ ლანჩავა

თქვენ გყავთ რუსთაველი?!

თქვენ გყავთ რუსთაველი?!
 ვკითხე რუს კოლეგას,
 ა, კტო რუსტაველი?
 ლამის შეიცხადა,
 კითხვა უბრალო და
 გაამაყებული.
 ერის სიღიადის
 განცდას შეიცავდა.
 თითზე ჩამოთვლა
 ყოფილ- არყოფილი,
 დიდი იმპერიის
 დამამშვენებელი,
 მათი გახსენებით
 იყო კმაყოფილი,
 ყელში გაეჩხირა
 აღმაშენებელი.
 დავიტ სტრაიტელი?
 ვიცი, გამიგია,
 მითხრა უგემურად,
 თვალთა გაცეცებით,
 ჩვენი ისტორია,
 ბრძოლით სავსე არის
 თქვენი ისტორიის
 მსგავსი ნამცეცებით.
 შემოხმინანება იყო უკადრისი,
 რისხვა შევაჩერე,,
 განცდა გამარტივდა,
 თქვენ წარმოიდგინეთ,
 აღარ შევაჩვენე,
 თქვენ წარმოიდგინეთ,
 გული არ ამტკივდა.
 წიგნი ვუსახსოვრე
 სიბრძნით ავსებული,
 როდის წაიკითხავს,
 პასუხს ველოდები,
 მჯერა, იმედი მაქვს
 გამოფხიზლებულის
 ასათვალწუნებლად
 არ განემეორდები.
 თქვენ გყავთ რუსთაველი?!
 სხვებსაც ვეკითხები,
 ყველამ როდი იცის
 სიბრძნე რა ხილია,
 სიტყვას ვამახვილებ,
 სიტყვით გაოცება
 გაამაყებული
 სისხლის ძახილია.

უკლიცაუთ!

ბატონი თეიმურაზ ლანჩავა საქართველოს მწერალთა კავშირის იმერეთის რეგიონალური ორგანიზაციის თავმჯდომარეა. იგი არაერთი ეროვნული ღონისძიების მოთავე და სულისჩამდგმელია.
 გამორჩეული სამწერლო საქმიანობისა და საზოგადო მოღვაწეობისათვის, ბატონ თეიმურაზ ლანჩავას საქართველოს კულტურის სამინისტროს გადაწყვეტილებით, ახლახან მიენიჭა ქართული კულტურის ქურუმის საპატიო წოდება

დაუკითხავად სახლში შემოდის
 აჯანყებული სველი ამინდი.

მინის ზემოთ ვინ დაგტოვებს,
 შენც სამარეს გაგიტხრიან,
 იმ მიწაში დაგმარხავენ,
 სადაც მეფე დავითია.

ვზივართ ქოლგის ქვეშ, შიშით შევცქერით
 დროით დაბზარულ ბებერ კრამიტებს,
 შევცქერით ზეცას იმის იმედით,
 რომ უსათუოდ გაიამინდებს.

სადაც რუსთაველი სახლობს,
 წაიყრიან მინას ძვლები,
 მთავარია მოახერხე
 და სიკვდილი შეიძელი.

დამიზამთრდება ისეთ დროს,
 გაზაფხულისთვის ვწვალობ,
 შემემშველები, მპატრონობ,
 გებრალეები და მწყალობ.

ხარ სიკვდილშიც ბედნიერი
 (რასაც ვამბობ, ჩვენში დარჩეს),
 ზოგი სიკვდილამდე კვდება,
 შენ სიკვდილი გადაგარჩენს.

ისევ თავიდან იწყება,
 მოლოდინები ხვალის,
 ბებერი ქედი ირწევა,
 უღელდადგმული ხარის.

შენა ხარ ჩემი დიდი სიზმარი
 და მოლოდინი სიზმარში სახლობს,
 გამოქცეული უმადურობას,
 დასახლებული ტკივილის ახლოს.

ცოდვა-მადლისგან დაღლილი,
 დამძიმებული ქედით,
 მივართევ დროს და საფიქრალს
 უმადურობის გვერდით.

გამოვიზამთრე წელსაც ღრუბლებში
 და როცა ფრთები ცას შევატოვე,
 დამრჩა იმედად შენი ნუგეში,
 მონანიება და სიმარტოვე.

დანყვილებული სიკვდილთან,
 სიცოცხლისათვის ვწვალობ,
 მადლობთ, უფალო, ჯერ კიდევ
 არ გამიმეტე, მწყალობ.

ახურავს ქალაქს ღრუბელი წვიმად,
 რომ მოლოდინი ათქვიფოს მტვერში
 და მახსენდება დიდი ხნის წინათ,
 როგორ ვეძებდი სიყვარულს თქვენში.
 თქვენ კი ხუჭავდით თვალებს, რატომღაც,
 არ დამენახა, არ მეგრძნო ფიქრით...
 რად მიმალავდით სევდას, სინანულს,
 გაბრწყინებული თვალების იქით.

თქვენ შეიძლება არ იცოდეთ
 შოპენი, ბრამსი.
 თქვენ შეიძლება არ გესმოდეთ
 მუსიკის არსი.
 მუსიკის გემო არ იცოდეთ,
 ფერი მუსიკის,
 მუსიკის ალში არ იწვოდეთ,
 ცეცხლი ვის უკვირს.
 გქონდეთ იმედი უმუსიკოდ
 ხილვის, განცდების,
 ნავარდი ცაში სულიერად
 და აღტაცების.
 მუსიკა არის ქარში, თოვლში,
 მზეში, წვიმაში
 მუსიკა მეფობს და არსებობს
 თავგანწირვაში.
 თქვენ შეგიძლიათ არ იცნობდეთ
 მთვარის სონატას,

ბავშვი ოთახში ქოლგას მახურავს,
 ჭერი გვაქვს, მაგრამ ვერ გვშველის ჭერი,
 გამოქცევია წვიმა სახურავს,
 მოუხატია სისველით ბჭენი.

მხატვრობა წვიმის უკვირს პატარას,
 უკვირს, ვერ გვიცავს რადგან კრამიტი,

იმასსოვრებდეთ ამბებს ჭრელ-ჭრელს,
 ქარის მონატანს,
 თქვენ შეიძლება არ იცოდეთ
 შოპენი, ბრამსი,
 მაშასადამე არ იცოდეთ
 მუსიკის ფასი.
 მუსიკა ჰქვია ფოთლის შრიალს,
 უსმინე წყაროს,
 წყალია, მაგრამ რომ ამღერდეს,
 იმისთვის წვალობს.
 მუსიკა ჰქვია ტირილს ქალის
 და ქალის ტკვარცალს,
 მუსიკა ჰქვია წყლის წისქვილი
 სიმინდს რომ მარცვლავს.
 მუსიკა ისმის განწყობაშიც,
 როცა ტირიან,
 იგრძნო მუსიკა მათ ტკივილში
 რა მარტივია.
 არის მუსიკა საზრდო სულის,
 თუმცა მუსიკით.
 ვერ მოისაზრებ ყველა სურვილს,
 სხვისგან, ყურს იქით.

ხომ არ დაგტოვათ მოლოდინმა
 გარეშე ფიქრის,
 ცრემლები თქვენი სინანულში
 ხომ არ განვიმდა,
 როგორც მასსოვხართ, ისეთივე
 ბრძანდებით თითქმის.
 ესაა მხოლოდ, წლები დროში
 გადანაწილდა.
 მოგონებებით გაზაფხული
 შემოგენთებათ,
 ატმის ყვავილით, სინარმტაცით,
 უამრავ ფერით,
 თქვენ უსათუოდ სიყვარულის
 ვალი გექნებათ,
 ბევრმა ზამთარმა გაზაფხული
 შეიგრძნო თქვენით.
 ვალში ვარ თქვენთან, რომ მიყვარდით,
 რომ გამიხსენეთ,
 რომ მიმაჯაჭვეთ თქვენს სიმშვიდეს
 მთელი არსებით.
 მთელი ცხოვრება ჩემს გარეშე
 რომ არ ისვენებთ,
 მადლობელი ვარ, სიბერის დროს
 რომ გაგახსენდით.

მე სიკვდილი შენს თვალეში
 სიკვდილამდე დამინახავს,
 შენს გარეშე უშენობა
 სინანულში დამიმარხავს.
 ვტიროდი და ვერ ხედავდნენ,
 გულის ვარამს დროს ვატანდი,
 შავი მეცვა, შავს ვუცქერდი,
 გამხნევებდი, თოვლს ვხატავდი.

თოვლი დადნა, ცა განვიმდა,
 მიწიერი გადამწვანდა,
 სატკივარი განაწილდა,
 აღარაფრის აღარ მწამდა.

ახლა ციდან დამცქერი ხარ,
 გინდა მონატრებად ვლირდე,
 ჩემი ფრთები შენ წაილე,
 როგორ უნდა ამოვფრინდე.

რად ეწოდა აფხაზეთის ომი,
 ძმას ძმა მტრად რად გადაჰკიდა ღმერთმა,
 იმ ომშიაც ერთი იყო ორი
 და ორივეს საქართველო ერქვა.

შერიგებას მომავალი ითხოვს
 და დრო გადაქცეულია გლოვად,
 ერთმანეთი დაგვაგინყდა თითქოს,
 აღარ გვახსოვს ქართველები რომ ვართ.

რად ეწოდა აფხაზეთის ომი,
 რა შევცოდეთ, რომ გაგვწირა ღმერთმა,
 იმ ომშიაც ერთი იყო ორი,
 და ორთავეს საქართველო ერქვა.

რომ მეცხოვრა თბილისში
 პლენხანოვზე, ვერაზე,
 ცოტა მეტი მეფიქრა
 დროზე, ბედისწერაზე.

მექნებოდა უფლისგან
 უფრო მეტი შენეწვა,
 ვინ მიშლიდა, რაც მსურდა,
 როგორც მსურდა, მეწერა.

ანდა ვინ დამიშლიდა
 რუსთაველზე ხეტიალს,
 ჩასულს დედაქალაქში,
 ქუთაისელ ტეტიას.

მეც თავს მოვიწონებდი
 თბილისელის ღირსებით,
 ქუჩა-ქუჩა ვივლიდი,
 გახეხილი ჯინსებით.

ცისფერ ეკრანებიდან
 მეც მრავალჯერ მნახავდით
 ჩემი მოსაზრებებით
 აჭრელებულ ქალაქად.

პროვინციებს მოვფენდი
 ჩემს სურათებს პროფილით,
 ვიქნებოდი მოქმედი...
 სიფათით — კმაყოფილი.

დავრჩი პროვინციაში
 დროით უკმაყოფილო,
 რასაც მომამადლიან,
 ვიზოგებ და ვყოფინობ.

ხმას ძლივს ვანვდენ შორიდან
 მოფუსფუსე პარტიებს,
 ანდა რომ ვთქვა, რაც მინდა,
 მაგას ვინ მაპატიებს.

კი არ ვყვირი, ვჩურჩულებ,
 კი არ ვიბრძვი, ვწუნუნებ,
 ღმერთს მადლობის მაგივრად
 ჩემს გაჩენას ვწუნუნებ.

რომ მეცხოვრა თბილისში,
 პლენხანოვზე, ვერაზე...

სიტყვას ვთეს და სიტყვას ვიმკი,
 სიტყვა სულის წამალია,
 სიტყვის აქეთ სამოთხეა,
 სიტყვის იქით წკვარამია.

ვაჩუქურთმებ, სიტყვით ვაგებ
 თვალწუნვდენელ ღვთიურ ტაძრებს,
 სიტყვა იბოგინებს, გასძლებს,
 კლდეს დუმილი ჩამოაქცევს.

ვკვდები, სიტყვა მიმაცილებს,
 სიტყვაში ვარ, ვცოცხლობ, როცა,
 რაც დუმილმა წარიტაცა,
 დამიბრუნა, სიტყვამ მომცა.

სიტყვით ვმეფობ სიტყვის მონა,
 სიტყვის იქით ვიმზირები,
 წყალშერეულ ქვიშასავით
 სინანულში ვიზილები.

და ხმაურობს სიტყვა მსუყე,
 სიტყვა ტკბილი, სიტყვა მკაცრი,
 სიტყვას განსაცდელში ვფანტავ,
 სიტყვას არაფერში არ ვცვლი.

ვიმორჩილებ სიტყვის კაცებს,
 ვმოსავ უსათნოეს ფიქრით,
 არაფერი არ არსებობს
 უკეთესი, სიტყვის იქით.

სიტყვა მარადიულია,
 ფერს არ იცვლის, არ ხავსდება,
 რაც დრო გავა, იხასხასებს,
 ერთიორად დაფასდება.

საკუთარ თავს სიტყვაში ვცვლი,
 სიტყვით ვაცოცხლებ და ვმარხავ,
 თუ ისურვებ, დამაკვირდი
 და სიტყვაში დამინახავ.

ელდარ კერძევაძე



ელდარ კერძევაძემ მხოლოდ 50 წელი იცოცხლა. თბილისის სახელმწიფო უნივერსიტეტის ფილოლოგიური ფაკულტეტი დაამთავრა. ლექსების პირველი წიგნი „მწვანე ქუჩა“ 1970 წელს გამოსცა, რომელსაც მოჰყვა 12-ზე მეტი პოეტური კრებული და თარგმანები. პოეზიის მადლით ცხოვრობდა. მისი პოეზია

ავტობიოგრაფია. მისი საქმე ლექსების წერა იყო და წერდა კიდევ. ლექსი ხომ პოეტის სულის ანაბეჭდია. იგი ქართული მწერლობის დიდ ოჯახს შეუერთდა. ჩვენი თაობის პოეტი, ელდარ კერძევაძე უდროოდ წავიდა ცხოვრებიდან. დაე, უფალი იყოს ელდარ კერძევაძის სულისა და ლექსების მფარველი. ამინ!

მუსრან მაჭავარიანი
1991 წ.

არა, არასდროს არ მიფიქრია,
რომ ქვეყნად მხოლოდ ლექსისთვის ვიშვი –
ლაჟვარდებისკენ სულის გაფრენას
თან სდევდა მინის დაკარგვის შიში.
და ყოველდღიურ ვნებებს მიწიერს
სალამოს მთვარის ბოქლომით ვკეტავ,
და სიცხადეში რაც განმიცდია,
ის მიყვარს ქვეყნად ყველაზე მეტად.

ვინც მუდამ ექვს

მას გაუმარჯოს, მას ვისაც სჯერა
ჩვენი წინსვლის და ჩვენი შენების.
ვინც მუდამ ექვს, ვინც მუდამ ლელავს
და სწამს ამქვეყნად ბედნიერების
მას გაუმარჯოს – ვის მართლა სჯერა
საკუთარ ხმის და საკუთარ ცეცხლის –
ვინც უკვე თქვა და ვინც კვლავ უნდა თქვას
ჩვენი ეპოქის სადარი ლექსი.

პოეტი არის დედანი
სიხარულის და გოდების,
პოეტს რად უნდა მედალი,
რად უნდა პოეტს ორდენი, –
თავისუფლება სჭირდება
და სიტბო ცოტაოდენი...

ეს გაუმარჯოს ქართველის უნარს –
ოხვრის დროს სიცილს,
სიცილში – ოხვრას,
ამ წუთისოფლის წუთიერ ბრუნვას,
განსაცდელი ჟამს
წელში არ მოხრას!
სუყველაფერი მკრთალდება ბოლოს –
ბრძოლაც,
მშვიდობაც,
გრძნობებით თრობაც,
მაგრამ სამშობლო ისაა მხოლოდ,
რაც უსიკვდილოდ არ დაითმობა!

პირდაპირ სათქმელი

მიჭირს, რა თქმა უნდა, მიჭირს,
რადგან საქართველოს უჭირს, –
გამო – გასხვისებულ მინის,
ფიცად ვერშეკრული მუჭის.
გამო – ნაცვლად ჩემი
დროის –
მოფრიალე სხვისი ჭინჭის,
გამო – ჭრელაჭრულა
დროში
ვერადმოსახმარი ნიჭის
ძმას რომ ძმობა ვერ
უგრძენია,
რომ არა აქვს ძმობის ნიჭი, –
გასაძლისი არის ძნიად,
სწორედ, ამიტომაც მიჭირს.
გული მაინც ვერ გარიყავს
ნდომას ჰანიბალის ფიცის,
ვიცი, რაიც უნდა იყოს,
როდის უნდა იყოს –
ისიც!...

სტუმრად კონსტანტინე ბამსახურდიასთან

გალავანთან
სპანი ჩვენი მოკრბეს...
თავს იმედის შუქი დაგვცემებს,
ახალგაზრდა პოეტები... – მოკლედ
მოახსენეს ბატონ კონსტანტინეს.
მოზრდანიდით,
და განიხვინენ კარნი,
აშრილდნენ ტანმალალი ხენი...
ავიყარეთ სითამამის ფარნი –
კოშკში ამირსპასალარი გველის.
ნარვუდექით,
ვით შეჰფერის ყრმათა,
მოგვეგება ჩვეულ სასადავით...
ვეამბორეთ მხარზე სიტყვის სარდალს,
დავუკოცნეთ დიდოსტატის მკლავი.
დაბრძანდითო,
ბრძანა და დაბრძანდა,
შევეცეროდით კრძალვითა და რიდით,
გამოგვეკითხა, რას ვაკეთებთ, გარდა
ლექსის წერის და წიგნების კითხვის.
გვესაუბრა...
გაგვამხნევა,
წერეთ;
ჩაფიქრდა და უცებ მოიწყინა...
გააბოლა...
აგრე ბრძანა მერმე
შვილო თამარ,
მოიტანე ღვინო...

ვბრუნდებოდით ჩრდილით ფენილ გაზეზ,
ღვინითა და სიხარულით მთვრალნი,
და კოლხური კოშკის გალავანზე
გუშაგვივით იდგა თეთრი მთვარე...

გალაკტიონი

სხვა არის ლექსთა მისთა მირონი,
(ვისაც ვგულისხმობ, თავად მიხვდებით),
უულურჯესი სანაპირონი...
მოცარტი... ქარი...
თლილი თითები...
მზერა ზვიადი,

არ ვის ემონვის,
ბავშვი ქუჩაში გამოპარული,
ხან ანგელოზი და
ხან დემონი,
მაგრამ ყოველთვის რალაც ფარული,
ხან სევდიანი
ხან მხიარული,
აუტანელი,
დაუდგრომელი,
მაგრამ ყოველთვის გენიალური,
მაგრამ ყოველთვის მიუწვდომელი.
გაგენათლა ლექსთა მისთა მირონმა,
(ვისაც ვგულისხმობ, თავად მიხვდებით),
უულურჯესი სანაპირონი...
მოცარტი... ქარი...
თლილი თითები...

მუსრან ლეზანიძის

მოდის ძმა და მგოსანი
მოუყვება გამზირს,
განვრთნილ მიმინოსავით
მხარზე ლექსი აზის,
ესალმება ხალხი,
მოიკითხა ხალხმა,
პოეტს ბრძოლით დაღლილს –
არ ეტყობა დაღლა.
არ ეწევა თუთუნს,
ლამეს ისევ ათევს,
თუ არ ვცდები... თითქოს...
პანა ღიპიც ადევს!
არაფერი უკვირს,
მითუმეტეს – სხვისი,
აქვს პირველი ჯგუფის
პოეტების სისხლი.
ახლა მშვიდად სძინავს –
წლებმა დააკვს,
თორემ ადრე, ხშირად,
თამაშობდა პოკერს
ასე თუ ისე,
არის ნაღდი მარე,
ღვიძლი ძმაა მისი
ჩვენი თავმჯდომარე
მოდის ძმა და მგოსანი,
მოუყვება გამზირს,
განვრთნილ მიმინოსავით
მხარზე ლექსი აზის.

მიხარის...

შოთა ნიშნიანიძეს
მიხარის შენთან გატეხა პურის,
და შენი ჯილა თვალების სიტბო,
ასე ალალი
და ასე ძმური –
ერთი შეხედვით
სულ სხვა ხარ... თითქოს...
შენ ლექსების ლერწმოვანები
გადარეკლილა ვეფხვის თვალებში
ეგ სიყვარული არ დამანებებს
სიტყვა გაკადრო გულის გარეშე,
სხვა პოეტებსაც არ ვედავები –
ყველასი მიყვარს ლექსი ნამდვილი, –
ვისაც არასდროს ეცოტავება
ორი მტკაველი დედის მანდილი
ვინც ვაჟკაცია
მართლაც
მართალი
ლექსით,
ოცნებით
საქმით,
მიზნებით,
ვინც დღენიადაგ მამულს დაჰხარის
და ღამე სძინავს ფეხვის სიზმრებით!



ვაჟა კოშვანიანი – 70

70 წლისა შესრულდა პოეტი ვაჟა მიხეილის ძე კოშვანიანი. ამის გამო საქართველოს მწერალთა კავშირმა იუბილარს მისალმება გაუგზავნა. მისალმებაში ნათქვამია:

ბატონო ვაჟა!

საქართველოს მწერალთა კავშირი, თქვენი მეგობარი ქართველი მწერლები გულითადად მოგესალმებიან და გილოცავენ დაბადების 70 წლისთავს.

თქვენი ლიტერატურული ნაწარები გასული საუკუნის 70-იან წლებში დაიბეჭდა რესპუბლიკურ პერიოდიკაში და მას შემდეგ ერთგულად, მუხლჩაუხრელად ემსახურებით მშობლიურ მწერლობას.

მრავალწინაგოვანი შემოქმედი ბრძანდებით. განსაკუთრებული ნაყოფიერებით მოღვაწეობთ საბავშვო ლიტერატურის ურთულეს ფანში. ქართველი მოზადებისათვის საბავშვო ლექსების 25 და ზღაპრების 3 კრებული შექმენით.

ამავე დროს ავტორი ბრძანდებით ლირიკული ლექსების შვიდი კრებულისა, რომლებიც სამშობლოს ერთგული შვილის სულიერ ღალატის წარმოადგენს.

მკითხველი ინტერესით შეხვდა თქვენი რომანებისა და მოთხრობების არაერთ კრებულს, რომლებშიც ქვეყნისათვის საჭირობოროტო თემატიკაა წინა პლანზე წამოწეული.

თქვენი დოკუმენტური პროზის ორტომეული ყურადღებას, უპირველეს ყოვლისა, დიდი ადამიანური სიმართლით იპყრობს.

თქვენი შემოქმედების საუკეთესო ნიმუშები თარგმნილია უკრაინულ, რუსულ, ირანულ ენებზე.

სხვადასხვა დროს არაერთ საპასუხისმგებლო თანამდებობაზე გიმუშავიათ და ყველგან წარმატებით ართმევდით თავს დაკისრებულ მოვალეობას. არჩეული ხართ საქართველოს ეროვნული აკადემიის მცხეთის სამხარეო ორგანიზაციის ხელმძღვანელად და ამ აკადემიის საპატიო წევრად.

დაჯილდოებული ხართ შიო მღვიმელისა და მაყვალა მრეველიშვილის სახელობის პრემიებით, დავით აღმაშენებლის ოქროს მცირე ხატით, დავით აღმაშენებლის პრემიების ფიურის სპეციალური პრემიით.

ბატონო ვაჟა!

კიდევ ერთხელ გულითადად გილოცავთ საიუბილეო თარიღს ძვირფას კოლეგას, დიდხანს სიცოცხლეს, ჯანმრთელობას და შემოქმედებით წარმატებებს გისურვებთ.

საქართველოს მწერალთა კავშირი

პოეტის მხიჯი

პოეტი ჯემალ ინჯია ქართული მწერლობის გორის ფრთის მეთაური და ღირსეული წარმომადგენელია. იგი არის განათლებული პიროვნება, რომელსაც ქართული მწერლობა და კულტურა გათავისებული აქვს შემოქმედებითად.

ჯემალ ინჯიას პოეტური სახის ფორმირებაზე დიდი გავლენა მოახდინა არამარტო ძველი, არამედ თანამედროვე ქართულმა კლასიკამ და ფოლკლორმა. მისი ახლო მეგობრები და შემფასებლები იყვნენ სახელოვანი და მარად დაუფინყარი გიორგი ლეონიძე, სიმონ ჩიქოვანი, იოსებ გრიშაშვილი, ლადო ასათიანი, მირზა გელოვანი და სხვები, რომლებთანაც არა მარტო პოეზია, არამედ მეგობრობაც აკავშირებდა და ეს ყველაფერი სულ ახლო ჩვენ საუკუნეში ხდებოდა.

მაგრამ ბატონი ჯემალის მასწავლებელი მაინც სტიქია იყო ქართული ენისა, რომელიც მისთვის მხოლოდ გამოხატვის საშუალება კი არ არის, არამედ – შინაინფორმაცია.

„სვეტიცხოველის მისადგომთან ფიქრი დაეძარი

თითქოსდა ამ ფიქრს ხევსურული აბჯარი ეცვას,

დღე მოიღუშა, ლამის შთანთქა დიდი ტაძარი,

უცებ აცივდა, ცრემლი სცვივა

გაცრეცილ ზეცას.

ლეგენდა მღერის გესმის, მცხეთავ, არსენიანო?!

აქ, ამ კედელში დიდოსტატის მკლავი დებულა,

აქ საქართველოს ცხელი გული ასვენიაო,

მაგრამ ვერ ფეთქავს ლომის გული კვლავინდებურად.

ეს ლექსი შესულია ახლახან გამოცემულ ჯემალ ინჯიას რჩეულში, რომლითაც იხსნება ეს ძვირფასი გამოცემა სათაურით – „ტრიოლეტები სვეტიცხოველთან“.


პოეტი ღირსეულ სტრიქონებს უძღვნის უფროს მეგობარს, მარად დაუფინყარ გიორგი ლეონიძეს:

„ვის შეუძლია კვლავ ციციკორე, რომ დაამსგავსოს რაინდს, გმირთაგმირს?

ხარ საოცარი კაცი, ციკლონებს მარაოს ქარად როცა გვითარგმინი.

ვის შეუძლია გულში დასტიოს მთელი ქვეყანა და ასე წეროს? მისტირი ქართულ კოშკს და ბასტიონს

ხაზარეთისკენ გაფრენილ წეროს“.



ჯემალ ინჯიას პოეზიაში მოულოდნელად ენაცვლებიან ერთმანეთს ტროპის სახეები, ისე რომ პოეტური სინტაქსის მეოხებით აღწევენ ლოგიკურ გამართლებას.

პოეტის პატრიოტული ლექსები, მათი პათოსი გმირულ საწყისებზე აღმოცენებული მარადიული სიყვარულის განცდა მკითხველს გულგრილს ვერ დატოვებს.

ნიკოლოზ ოთინაშვილი

მარიამ შამათავა

იცი რა მინდა? რალაც სხვანაირი, გულში ჩამწვდომი და თვალის ამცრემლავი,

ცოტა ძველებური, ცოტა სხვანაირი, ცოტა თამამი და ცოტაც გამბედავი.

იცი რა მინდა? რალაც სხვანაირი, გულის გამთბობი და სულის გამბრწყინავი,

ცოტა სინანული, ცოტა სიხარული ღვთისგან ბოძებული დიდი სიყვარული.

ჩემს დეიკოს!

ქალი, რომელიც სხვას არავის არ ჰგავს,

ქალი, რომელიც ჩემთვის თავს კარგავს,

ქალი, რომელიც სხვა დედებს არ ჰგავს,

ქალი, რომელიც ჩემს გრძნობებს ქარგავს.

ქალი, რომელიც დაქვრივდა ადრე, ქალი, რომელსაც ცხოვრება ანდეს, ის არ ყოფილა ამგვარად ადრე, მას ახლა ბავშვის აღზრდა რომ ანდეს.

ქალი, რომელიც სიმტკიცეს აჩენს, ქალი, რომელიც გრძნობებს არ ამხელს,

ქალი, რომელიც ტკივილს ინახავს ამგვარი ქალი შენ არ გინახავს.

ის ხომ მამაცი სულის ქალია, მამამ მის ხელში სული დალია, ის ხომ არ ამხელს ამ

ტკივილს მალულს, მაგრამ მე ვხვდები მის გრძნობებს ქალურს.

მან საყვარელი ქმარი დაკარგა, მან თავის შვილის მამა

დამარხა, შვილის, რომელსაც ძლიერ ნატრობდა, მისი გაჩენით ქმარი ხარობდა.

მან მე მასწავლა გრძნობის დამალვა, არ მაგრძნობინა მამის დაკარგვა, მან მე მასწავლა სისუსტის მალვა და დამისახა მე ჭკუის სწავლა.

მან მე მასწავლა სიკეთის არსი, მითხრა სიკეთე აკეთე მუდამ, მან მე მასწავლა რა არის ფარსი, მითხრა არ აყვე გახსოვდეს მუდამ.

მან მე სამოთხის გამილო კარი, ის არის სულით უტკბესი ქალი, ის არის ჩემი ცხოვრების აზრი ის ჯერ დედაა შემდეგ კი ქალი.

სამწუხაროდ, ახლა ჭარბობს მამაკაცი ცრუ და ფლიდი, ახლა ცოტას გააჩნია ქალისადმი გრძნობა, რიდი, ჰოდა, მინდა ავაშენო ჩვენ ორ შორის დიდი ხიდი, მემინია არ ჩავვარდეთ, ამისი მაქვს შიში დიდი.

ფიქრითაც შენზე მე ხშირად ვფიქრობ, რადგან მე და შენ ძმობამ შეგვყარა, ვერ გნახულობ და ალბათ შენც ფიქრობ სულ დამივინყა, სულ შეიშალა...

მე მომენატრე, ჩემო ძამია, ამას რომ ვამბობ, ესეც კაია, რატომ? იმიტომ, რომ ღირსი არ ხარ მაგრამ რა ვუყო, მაინც მიყვარხარ...

რა კარგია სიყვარული

არ მეგონა თუ ოდესმე მე ამ სიტყვებს ვიტყოდო, აქამდე სულ სხვანაირად, მგონი მცდარად ვფიქრობდი, რა კარგია სიყვარული, ის ხომ ტკბილი ხილია, გრძნობაც უფრო სხვანაირი, გამჭოლი და თბილია.

შესაძლოა სიყვარულში არაფერი არ იცი, მაგრამ ამ დროს სულ ყველაფერს სხვანაირად განიცდი, რა კარგია სიყვარული, ეს გრძნობათა პიკია, სამწუხაროდ ამ გრძნობაში ეჭვი რალაც ჰიტია.

სიყვარულზე ოცნებობდა ლეონარდო დავინჩი, მის ნახატში ჩაფლულია გრძნობა ფერად ამინდში, რა კარგია სიყვარული ალბათ, დამეთანხმებით, ახლა დაგემშვიდობებით ამ გრძნობების თანხლებით.

ქვეყნის ჭირ-პარავს მიყრდნობის უპოქიანი

ეთერ ზარიძე

თანამედროვე ქართული მწერლობის კლასიკოსი, საქართველოს სახალხო მწერალი, შოთა რუსთაველის პრემიის ლაურეატი, რევან მიშველაძე, უდავოდ გამორჩეულია თავისი პატრიოტული სულისკვეთებით და შემართებით, იგი ყოველგვარი მიკიბულ-მოკიბული სიტყვის გარეშე, შეუდრეკელ მებრძოლად გვევლინება ყოველივე იმ უზნეობის და უსამართლობის წინააღმდეგ, რომელიც ქვეყანაშია გამეფებული.

ამ მხრივ ძალზე საინტერესო გახლავთ მისი ახალი რომანი „ციყვი ბორბალში“.

ამ ნაწარმოებში ვხედავთ ქვეყანას, რომელიც წყვილია მოქცეული და საშველი კი არსაიდან ჩანს. რომანის სახელწოდებაც ამაზე მიგვანიშნებს. ციყვი ამ შემთხვევაში ჩვენი საზოგადოება, ჩვენი ქართველი ერია, რომელიც ბორბალშია მოქცეული და იქედან თავის დაღწევას ცდილობს, მაგრამ ამაოდ. საითაც არ უნდა წავიდეს, მაინც სულ ერთსა და იმავე მოვადობულ წრეზე ტრიალებს.

რომანში მინიშნებულია დაუსჯელობის სინდრომზე, რომელიც ქვეყანაშია გამეფებული და დამნაშავეები თავისუფლად დაპარპაშებენ. ისინი კვლავ ახალ-ახალ საფრთხეს უქმნიან უდანაშაულო საზოგადოებას. ამის თვალსაჩინო მაგალითია რომანის მთავარი გმირის ლავრენტი მიქავას დრამატული ცხოვრება.

ლავრენტი ერთგულად ემსახურება თავის ქვეყანას და ვერ ხედავს, რომ მის თავზე შავი ღრუბლები გროვდება. ასევე პირნათლად ასრულებს თავისზე დაკისრებულ მოვალეობას.


ლავრენტი მიქავა პრეზიდენტის პირადი ფოტოგრაფი გახლავთ, იგი პრეზიდენტს ფეხდაფეხ დაჰყვება და მის ისტორიულ საქმეებს იღებს. პრეზიდენტსა და ფოტოგრაფს შორის მეგობრული ურთიერთობა მყარდება. პრეზიდენტი კმაყოფილია თავისი ფოტოგრაფით და ფოტოგრაფი კი თავისი სამსახურით.

ერთ დღეს მოულოდნელად მოწმენდილ ცაზე მუხის გავარდნას ჰგავდა პრეზიდენტის რისხვა, რომელიც ლავრენტი მიქავას დაატყდა თავს.

პრეზიდენტმა ნიკარაგუას ცენტრალური გაზეთის „ვატატატუ ვაკახარას“ ახალი ნომერი წინ დაუდო ფოტოგრაფს და ის უცხოური გაზეთისთვის ფოტოების გადაცემაში დაადანაშაულა. ლავრენტი მიქავა ამ ამბავმა ძალიან შეაწუხა, რადგან ის უდანაშაულო იყო, მაგრამ პრეზიდენტის დარწმუნებას ვერ ახერხებდა.

ამ ამბიდან ერთი თვის თავზე ახლა ნაურუს რესპუბლიკის გაზეთმა „ბანანუტამ“ გამოაქვეყნა პრეზიდენტის ორი არასასურველი ფოტო, რამაც პრეზიდენტის რისხვა გამოიწვია და მან გადაწყვიტა უდანაშაულო ფოტოგრაფის დაპატიმრება.

– „მე რა შუაში ვარ“ – ეკითხება ფოტოგრაფი, რაზეც პრეზიდენტი პასუხობს: „შუაში ხარ, თუ არა, ამას გა-



მოძიება დაადგენს. მე ძალიან მინდამართალი იყო, მაგრამ მეექვსეა. რაც მთავარია, სხვებს შეეშინდებათ. სხვებისთვის გაკვეთილი იქნება, პრეზიდენტმა თავისი პირადი ფოტოგრაფი არ დაინდო და ჩვენ რას გვიზამსო, იტყვიან“.

პრეზიდენტი ფიქრობს, რომ ეს ხერხი გაჭრის, რადგან „ხალხი ისედაც შეშინებულია“, დიახ, ამ ფოტოგრაფების გარდა სხვა ყველა მოჭკვიანდა.

მწერლისთვის დამახასიათებელი თხრობის დახვეწილი მანერა და სხვადასხვა სიუჟეტების მხატვრულად გაზავებული შუქ-ჩრდილები ნაწარმოებს საინტერესოს ხდის.

რომანში აღწერილია ციხის ბინადართა მონათხრობი ისტორიები. თხრობა იმდენად მიმზიდველი და საინტერესოა, რომ მკითხველი თავისდაუნებურად ეჯახება მონათხრობ ეპიზოდებს და გულსყურით ადევნებს თვალს სიტუაციების შემდგომ განვითარებას. პატიმრები ჰყვებიან საინტერესო ამბებს, რომლებიც მათ, ან მათ ახლობლებს გადახდათ.

ნაწარმოების ერთ-ერთი პერსონაჟი, მარტოხელა კაცი – ვალიკო პოლიტიკურზე დაიჭირეს და სულ ციხეშიაო, ეუბნება ფეხსაცმლის შემკეთებელი სახელოსნოს პატრონი სოკრათი ლავრენტი მიქავას, ალბათ მალე გამოუშ-

ვებენ, მაგრამ გზაზევე იწყებს კომუნისტების ლანძღვას და ისევ ციხეში აბრუნებენო.

მწერალი მოგვითხრობს ლავრენტი მიქავას მოსწავლეობის წლებზე, მის ონავარ ხასიათზე და მის კეთილ ბუნებაზე.

მწერლის საფიქრალს წარმოადგენს ახალგაზრდების სწავლა-განათლების საქმე და მათი სწორი აღზრდა, რომელიც კიბის საფეხურებთან არის შედარებული, რომ „ყველაზე მაღალი კიბეც კი პირველი საფეხურიდან იწყება“.

არა მარტო ეს ფრაზა, არამედ სხვა უამრავი დიდაქტიკური შეგონება და აფორიზმია რომანში. საინტერესო გამოთქმებია, მაგალითად, „მოვისისხლფასეთ, რაზეც ხელი მიგვიწვდა, ცოტას ახლობლები შეგვეწინივნენ, ცოტა ვიურიისვალეთ“.

„თარჯიმანი უკანსვლით, ცოტა არ იყოს, შეცბუნებული, მაგრამ ყურებადღე ღიმილფარებული წავიდა კარებისკენ“. „ქარხნის პატრონს სახე მოემჩნვა“. „ადამიანები ანგარიშს არ უწევენ, თორემ ყველაზე დიდი სიმდიდრე, რაც ადამიანს გააჩნია, ფიქრის თავისუფლებაა“. „ჭკუას ვერანაირი ჩაგონებებით და სწავლა-დიდაქტიკით ვერ სწავლობს ადამიანი“.

მწერალს აწუხებს არსებული პრობლემა, რაც საქართველოს ტერიტო-

რიულ მთლიანობას უკავშირდება. „არც გაერომ, არც ევროპარლამენტმა თითიც არ გაანძრიეს საქართველოს ტერიტორიული მთლიანობის აღსადგენად“.

მწერალი ხედავს, რომ საქართველოში სამსახურის შოვნა შეუძლებელია და მას ნაწარმოებში შემოჰყავს ლავრენტი მიქავას შორეული ნათესავი ნაზიკო ზვიადაძე, რომელიც სთხოვს ლავრენტის, საზღვარგარეთ სამსახურის შოვნაში დაეხმაროს. აქ ნაჩვენებია ჩვენი მოსახლეობის დუხჭირი ცხოვრება, რომ ქართველი იძულებულია გადაიხვეწოს საზღვარგარეთ, რომ იქ მოახლედ ან ავადმყოფის მომვლელად იმუშაოს და ამით შეენიოს საქართველოში დარჩენილ ოჯახს. ამით დახატულია ის მძიმე სოციალურ-ეკონომიკური ფონი, რაც საქართველოშია და მის გამოსწორებას საშველი არ დაადგა. ხელისუფალნი ფიქრობენ, რომ „ერთი კაცის მოტყუებაზე უფრო ადვილი ხალხის, მასის მოტყუებაა“.

მწერალს არც ქართული სუფრის ადათ-წესები დავიწყებია. ის თავის რომანში პარალელს ავლებს უცხოურსა და ქართული სუფრის წესებს შორის და ამბობს: „რისი თამადა, რა წესრიგი, სვამენ და ჭამენ უპრაგონოდ“. „არ უსმენენ ერთმანეთს, იცინიან ნამდაუნუმ“.

მწერალი ისევ და ისევ უბრუნდება იმ უსამართლობის აღწერას, რაც ჩვენს ქვეყანაშია. აქ გამოყენებულია ისევ პატიმრების დიალოგი. შოთა ნამჩვენებზე ეუბნება ლავრენტი მიქავას: „ვინც დაგიჭირა, ის რას ამბობს, ქართულ მინას რომ გაყიდი, ბიჭებს რომ ქუჩაში დახოცავ, უნივერსიტეტიდან რომ პროფესორებს პოლიციის ძალით გამოაძევენ და მწერლებს რომ სარაჯიშვილის ნაჩუქარ შენობას წაართმევ, ეს არ არისო სამშობლოს გაყიდვა?“ ამ სიტყვებით გადმოცემულია არსებული რეჟიმის სისასტიკე და უსამართლო ქმედებები ერისა და ქვეყნის წინაშე. აღწერილია, თუ როგორ მიდის მიზანმიმართული ბრძოლა ქართული ენის და ქართული წეს-ჩვეულებების წინააღმდეგ. „სამი წლის ბავშვს რომ ქართულს დაავინყებ და ინგლისურს ჭიკჭიკს დააწყებინებ, მისგან ქართველი გაიზრდება?“ „ეროვნული ფენომენის გაჩანაგება არ არის ხალხურ ხელოვნებას, ქართულ ადათ-წესებს, ქართულ კლასიკას პატივს რომ არ სცემ?“ „ვერ ხედავ, ყველა პატრიოტული ნაწარმოები, რომ ამოიღეს სასკოლო სახელმძღვანელოებიდან?“

რომანში აღწერილია მშვიდობიან მომიტინგეთა სასტიკი დარბევა-დანოკება. რა უმონყალოდ სცემენ უიარაღო, მშვიდობიან მოქალაქეებს, რომ ერთ ნაქცევულ ადამიანს სამი-ოთხი პოლიციელი სასიკვდილოდ სცემს.

აი, ასე დაგვიხატა ერის ქვეყნარტმა გულშემატყვიარმა რევან მიშველაძემ ქვეყანაში არსებული ვითარება და მოსახლეობის პროტესტი უსამართლობის წინააღმდეგ.

მადლობა მას ამ შესანიშნავი რომანისთვის, ღმერთმა დალოცოს მისი არსებობა, კიდევ მრავალი ნაწარმოებით გაეხარებინოს ქართველი მკითხველი!

დემიკო ლოლაძე ავტორი

საქართველოს მწერალთა კავშირში



სომეხი სტუმრები

6 აპრილს სომხეთ-აზერბაიჯანის კონფლიქტთან დაკავშირებით მწერალთა კავშირს ესტუმრა სომეხ მწერალთა დელეგაცია...

სიმონ არველაძე - 95

31 მარტს ქალაქ ქუთაისში, ლადო მესხიშვილის სახელობის სახელმწიფო თეატრში გაიმართა ცნობილი მწერლის და საზოგადო მოღვაწის სიმონ არველაძის დაბადების 95 წლისთავისადმი მიძღვნილი საიუბილეო საღამო.

საღამოზე სიტყვით გამოვიდნენ ქალაქ ქუთაისის მერი შოთა მურღულია, საქართველოს მწერალთა კავშირის თანათავმჯდომარე ბალატიერ არაბული, მწერალთა კავშირის იმერეთისა და ქუთაისის გაერთიანების თავმჯდომარე თეიმურაზ ლანჩავა...


ბალატიერ არაბულმა მწერლობაში შეტანილი წვლილისა და საზოგადოებრივი მოღვაწეობისათვის საქართველოს მწერალთა კავშირის სახელით სიმონ არველაძეს გადასცა „ქართული კულტურის ამაგდარის“ წოდების დიპლომი.

ნაჩვენები იქნა სიმონ არველაძის ცხოვრებისა და მოღვაწეობისადმი მიძღვნილი დოკუმენტური ფილმი.

ჯანსუღ ლვინჯილის ბახსენება

4 აპრილს რუსთაველის თეატრის მცირე დარბაზში გაიმართა ჯანსუღ ლვინჯილის დაბადებიდან 75 წლისთავისადმი მიძღვნილი საღამო. პროექტის ავტორია მაცყალა გონაშვილი.

„ცისფერყანწელების“ პრეზენტაცია



„დარჩება ხსენება იმ ორდენისა, რომელსაც ჰქვია ცისფერყანწელების ძმობა, მეგობრობა, რომელსაც შეადგეს 13 კაცი და ისტორიული ანალოგიით, როგორც ცამეტმა ასურელმა მამებმა საქართველოში დასთესეს ორთოდოქსი ქრისტიანობა...“

სის კულტურული ღონისძიებების ცენტრის თანადგომით. სიტყვით გამოვიდნენ რევაზ მიშველაძე, მაცყალა გონაშვილი, თემურ ჩალაბაშვილი, ბალატიერ არაბული, ზაალ ბოტკოველი. პრეზენტაციას ესწრებოდნენ ტიცციან ტაბიძის და პაოლო იაშვილის შთამომავლები.

22 მარტს ბათუმის საკონცერტო დარბაზში ბათუმელები შეხვდნენ ცნობილ ქართველ პუბლიცისტს, მხატვარსა და ფოტოხელოვანს დემიკო ლოლაძეს.



შეხვედრაც სწორედ ბატონმა ვახტანგმა გახსნა და ისაუბრა დემიკო ლოლაძის მრავალმხრივ, უაღრესად მნიშვნელოვან მოღვაწეობაზე, რომელიც აი, უკვე ნახევარი საუკუნეა, რაც გრძელდება.

დემიკო ლოლაძე დამსწრეთ ესაუბრა გარდასულ დღეთა პერიპეტიებზე და იმ კვალზე, რაც მის სულს ცხოვლად დააჩნდა. მიუხედავად იმისა, რომ იგი მართლაც მრავალნაზნაგოვანი შემოქმედია, უპირველეს ყოვლისა, მაინც ქართული ფეხბურთის თავგადაკულ მემკვიდრედ რჩება და იმ საღამოსაც დამსწრე საზოგადოებამ სლავიდეზე იხილა ბატონ დემიკოს მიერ გადაღებული და ან უკვე ისტორიის ფურცლებად ქცეული ქართული ფეხბურთის ლეგენდების სახეები.


დემიკო ლოლაძემ მოწვეულ სტუმრებს მის მიერ შექმნილი არაერთი წიგნი გადასცა.

დემიკო ლოლაძეზე ისაუბრეს დავით თედორაძემ, რამაზ სურმანიძემ, შოთა ზოიძემ, ალექო ჩხარტიშვილმა, გოჩა შამილიშვილმა.

საღამოს ორგანიზატორებმა დიდი სიურპრიზი მოუმზადეს სტუმარს, რომელსაც თვალები ცრემლით დაენამა, როდესაც აჭარის მწერალთა კავშირის თავმჯდომარემ დავით თედორაძემ დამსწრე საზოგადოებას გააცნო მწერალთა კავშირის გამგეობის გადაწყვეტილება, რომლის თანახმადაც დემიკო ლოლაძეს მისი მრავალწლიანი შემოქმედებითი მოღვაწეობისთვის მიენიჭა აბუსერისძე ტბელის სახელობის პრემია.

რომანი სააკაშვილის შავხელ ათწლეულზე

მკითხველმა უკვე მიიღო რევაზ მიშველაძის ახალი რომანი „ციციე ბორბალში“ (გამომცემლობა „საქართველოს მაცნე“, რედაქტორი სოსო სიგუა - 340 გვ.). ამ რომანში რევაზ მიშველაძე მისთვის ჩვეული მხატვრული ოსტატობით გვიამბობს იმის შესახებ, თუ როგორ კამათლებივით აბურთავებდა თავგასული პრეზიდენტი მოქალაქეთა ბედს.



ომარ შამათავა



ქართველ მწერალთა რიგებს კიდევ ერთი გულანთებული მამულიშვილი გამოაკლდა.

გარდაიცვალა ცნობილი ქართველი პოეტი ომარ კაპიტონის ძე შამათავა.

ომარ შამათავა დაიბადა 1930 წლის 25 აგვისტოს ქალაქ სენაკში.

სენაკის პირველი საშუალო სკოლის დამთავრებისთანავე, 1948 წელს, სწავლა განაგრძო სოხუმის სახელმწიფო უნივერსიტეტის ფილოლოგიის ფაკულტეტზე, რომელიც 1952 წელს დაამთავრა.

ომარ შამათავა სხვადასხვა დროს მუშაობდა აფხაზეთის რადიოკომიტეტის ქართული რედაქციის გამგედ. აფხაზეთის ოლქის თანამშრომლად, საქართველოს მთავლიტის რედაქტორად, უფროს რედაქტორად, განყოფილების უფროსად,

მთავარი სამმართველოს უფროსის მოადგილედ, ლექციებს კითხულობდა საქართველოს ტექნიკურ უნივერსიტეტსა და კონსერვატორიაში, იყო ეროვნული სამხედრო აკადემიის პუბლიცისტური კათედრის პროფესორი. ომარ შამათავა ყველგან გამოირჩეოდა დიდბუნებოვნით, კაცთმოყვარეობით, სიკეთითა და პატიოსნებით.

ლიტერატურულ-შემოქმედებითი მოღვაწეობას ომარ შამათავა 1951 წლიდან ეწეოდა, როდესაც გამოქვეყნდა მისი პირველი ლექსი „აფხაზეთის სოფლებში“.

ომარ შამათავას პოეტური კრებულები „სულის სიმები“, „ოცნების ფრთები“, „გვიხმობს დიოსკურია“, „გულო გაუძელდა სხვები ქართველი მკითხველის მოწონებით სარგებლობს. ეს კი იმ გარემოების დამსახურებაა, რომ მათი ავტორი ერთი გულმართალი პატრიოტი იყო სამშობლო ქვეყნისა და მისი ცხოვრებით ცხოვრობდა, მისი სიხარული უხაროდა და მისი ტკივილები ტკიოდა. ომარ შამათავას ლექსებში საქართველოს სისხლიანი და ცრემლიანი ისტორიაა დაგუბებული, ისტორია,

რომელსაც მოფრთხილება და სულის ბერვა სჭირდება.

ამავე დროს ომარ შამათავა, ეწეოდა ნაყოფიერ მეცნიერულ მოღვაწეობას. მინიჭებული ჰქონდა ფილოლოგიის მეცნიერებათა დოქტორის წოდება. იყო ორი მონოგრაფიისა და 24 სამეცნიერო სტატიის ავტორი.

ომარ შამათავას მრავალწლიანი შემოქმედებითი და საზოგადოებრივი მოღვაწეობა სათანადოდ დაფასდა. იგი დაჯილდოებული იყო ღირსების ორდენით. მინიჭებული ჰქონდა გიორგი შარვაშიძის სახელობის პრემია. იყო საქართველოს კულტურის დამსახურებული მუშაკი. მიუხედავად იმისა, რომ ცხოვრების დიდი ნაწილი საქართველოს მთავლიტში გაატარა, იგი ქართველი მწერლების სიყვარულითა და პატივისცემით სარგებლობდა, რაც იმის დასტურია, რომ ავადმასხნებელ ორგანიზაციებს შორის მწერლებს უფრო მეტი პატიოსნად მსახურობდა და იქაც სამშობლო ქვეყნის ნაწინატრ თავისუფლებაზე ოცნებობდა.

ქართველ მწერლებს დიდხანს ემახოვრებოდა ომარ შამათავა - შემოქმედი, მოღვაწე, ერთგული, გამორჩეული შვილი საქართველოსი.

საქართველოს მწერალთა კავშირი